

“Sam Ciu” Doxbuek Hwnqcong

Baihdoeng ngamq ronghhau didi, banhaet dahcej couh ndwj fouq da moengzloengz de, daenggoenz daxgoeng daenj geu buh ronghhenj hawj naed raemxraiz byai mbaw. Youq banhaet gyaundeis neix, gou caeuq daxmeh cix hainduj ciengz “doxbuek hwnqcong” ndeu.

Ciu daih’it: Roq dou. Daxmeh sup gaemz heiq ndeu, aengq daengx ndang rengz, vaiqvwt okrengz roq dou. Cungj gaenjieng haenx, boux damzciengq hix beij mbouj gvaq de ba? Song fwngz rengzrdwrd de haengrengz roq, lumj aen dou neix couh dwg aen gyong naj dou yaxmonz nei, de miz ien lailai, yaek hemq ok fofu bae! Cungj heiqseiq roq gyong ndaek laz neix, sikhaek hawj gou youq ndaw ninzdaek loqfangzhwnz haenx doeksaet hwnjdaeu. Gou najbyak nyaeuqnywdnywd, hozndat lai mbouj siengj leixlangh de, goemq rwz coq, laebdaeb loqfangzhwnz bae lo.

Ciu daihngaih: Rongh daeng. Daxmeh roengz-rengz nyoengx dou, hujdengdeng biengj denz bae, fajfwngz okrengz bongx aen haigven—daeng rongh lo, diuz rongh coegda ndeu ciuq dwk gou hemqvava. Seizneix daxmeh lumj duzuguk huj-



dengdeng ndeu, naj de hoengz raeng, noh gwnz naj saenzdikdik, bwn’ gyauej daengjfo, najbyak nyaueq baenz song diuz cagndaij, song da hoengzhwdhwd luenzlulu……Deng yienghneix haep gou heiq cungj mbouj gamj diem hung, cij raen de menhmenh byaij gyawj, song fwngz gaemgienz, genga haen dwk, heuj yiengj gyadgyad. Doeklaeng de hozdek lo: “Mwngz lij caengz hwnq ma?” Seizneix, gou naj ndatndwt, sim diuqdw, lumjnaeuz haeuj dieg ndaw deihlauz

feiz coemh haenx bae. Yienghneix, gou sikhaek rag denz, saenzdikdik ndonj haeuj ndaw denz bae, gij rongh daeng lumj raemxrongz cung daeuj haenx deng aen fai—fajdenz maenhcwdcwd lanz youq baihrog.

Gou canggyaj mbouj dingqny, siujsim sisi ndomq ok gok denz laeglemx yawj, ngamq yawj deng daxmeh yawj gou. Seizneix, fajnaj lumj fwjlaep de menhmenh bienqbaenz cungj fwjsaek saenzmaed, de hemq naeuz: “Gou yawj mwngz naeng humz lo! Gou daezsingj mwngz, danghnaeuz caiq mbouj hwnq, gou couh yaek cuengq ciu leixhaih lo!”

Ciu daihsam: Yaekij. Daxmeh menhmenh sup gaemz heiq naek ndeu, byai din roengzrengz, ndang yat hwnjdaeu, bongh gvaq gwnz mbonq daeu, yaepyet couh coemj youq gwnz denz, guengzbag yaekij gou. Gou raemxda yaek conh doq riu doq daej, mbwngyaengyaeng hemq naeuz: “Gou hwnq, gou hwnq, gouz mwngz cuengq gou lo!”

Ai, miz gijmaz banhfap ndaej hawj gou ndoj gvaq ciu daihsam daxmeh ne, aen gyauej iq gou hainduj baenqlulu hwnjdaeu……

(Cinz Yihanz raiz/Veiz Yinyiz hoiz)

Daxgoeng Bienqvaq Hung

ranz cungj dwg gij gyauejien de vut haenx, seizneix caiq yawj mbouj raen gyauejien lo. Daxgoeng mwh mbouj miz saeh, cungj caeuq ndaw ranz naeuz de yaek okbae liuh, vunz ndaw ranz cungj rox de dwg bae ndaw mbanj ra gyauejien, cijmiz soucomz gyauejien engq lai, cij ndaej vuenh gaiqyungh ngoenzyungh engq lai.

Siengj mbouj daengz, daxgoeng aenvih gip gyauejien, gingqyienz gip ndaej le aen mingzdaeuz hom “bouxgeq hoh vanzging”. Dingq vunz ranznden naeuz, daxgoeng haidaeuz dwg vihliux vuenh aeu gaiqyungh ngoenzyungh cix bae gip gyauejien, denciz feiq; doeklaeng daxgoeng rox swnhfwngz dawz gij nyapnyaj doek youq gwnz roen haenx gip roengz ndaw doengj nyapnyaj, caiqlij yawjraen

bakdou ranz lawz luenh ndek labsab, de couh roq aen dou ranz de, ndij bouxcawj gangj aeu hawj diegyouq seuqcingh, hoizwngq cwngfuj gij haucauh gvendaengz nyapnyaj faenloih doengh gij vah neix, daxgoeng lumjnaeuz dwg boux senhconz vanzbauj cwngcwz ndeu lo.

Daxgoeng “liuh” ngoenz dem ngoenz le, gij vanzging ndaw mbanj menhmenh bienq lo, gyoengq vunzmbanj daihdae ndaej guhdaengz ciuq loih douzcuengq nyapnyaj, bakdou ranz hix guhdaengz le “sam bau” …… Hehe, siengj mbouj daengz, daxgoeng roekcib bi le dauqfanj bienqbaenz “bouxgeq hoh vanzging” ndeu, daiq aen mbanj miz ok yienghsienq moqsak vanzbauj.

(Yiz Liengyenz raiz / Lij Lungzfangh hoiz)



Gaxgonq, ranzmbanj gou luenh dap luenh hwnj rienghmou ranzgaeq, dauqcawq miz nyapnyaj; seizneix, ranzmbanj gou yienghsienq moqsaksak. Daxgoeng roekcib bi gou aenvih aeu gyauejien vuenh doenghyiengh, daj bouxcitien bienqbaenz “bouxgeq hoh vanzging” ndeu lo. Hoeng, gij saeh lumj daxgoeng gou nei henhoh vanzging lij aeu engq lai vunz bae cienziep.

——Daezgeiq

Gizneix, seiqgeiq faenmingz, roeg ciuz va rang; gizneix, raemxdah heu lumj gingq, yaengyaeng lae coh baihdoeng; gizneix, bya hung doxrangh hwnj-roengz, mwncupcup; gizneix, ranzmbanj yienghsienq gyauegetget moqsaksak…… Gizneix couh dwg ranzmbanj gou, aen mbanj gyaundeis naengh youq henz Dahsinh’ anhyangh ndeu.

Gij diegyouq ranzmbanj ndei mbouj ndei vunzlai cungj gig gvansim. Gaxgonq, ranzmbanj gou luenh dap luenh hwnj rienghmou ranzgaeq, daihloh gehhongh dauqcawq miz nyapnyaj, yingyangj le gij swnghdai vanzging diegyouq. Vihliux gaijgez aen vwndiz neix, cwngfuj ranzmbanj dou ceiqlingh le baenzroix cwngcwz baujhoh swnghdai vanzging, dazyinx gyoengq vunzmbanj byaij diuz roen saek-heu.

Couh youq mwh gou doeg sam nienzgaep, ndaw mbanj hai aen cauhsi ndeu heuhguh Swnghdai Ndei Cauhsi. Daxgoeng gou dwg cunh cujyin, roxdaengz ndaej yungh gyauejien, denciz feiq, aenbingz nungzyoz doengh gij doxgaiq bae vuenh gaiqyungh gwndaenj aen siusik neix, de sim’ angq liux, aeu rox de dwg bouxcitien geq ndeu ne, moix ngoenz aeu cit song sam bau ien. Gaxgonq ndaw ranz rog

Fuk Veh Gou Ngaiz Muedsou Lo

Ngoenzhaenx hwnj goqyijvwnz, dou hag hot sei Bwz Gihi《Gwnz Daemz》. Lauxsae vix mbaw capdoz ndaw saw, gejnaeuz gij eiqsei hot sei “mbouj rox yo riz ndang, gobiuz faen baenz luengx” hawj daihgaya.

Fuk capdoz neix saek citcit, heuheu di, lumj vehraemxmaeg ityiengh miz seieiq, gou mbat ndeu couh deng de ciuyinx lo. Baenzneix, gou dwg mbouj dwg hix ndaej sawqsawq veh fuk capdoz ne?

Yienghneix, gou aeu gij sa caijsaek youq goqmeijsuz yungh haenx okdaeuj, sa sa sa, sa sa sa, haeujsim sisi veh hwnjdaeu: Roeghenj, roegcaeuq, ruzseng, eiq……

“Mwngz guh gijmaz?”

Gou ngaemgyaeuj yunghsim veh veh, sawqmwh deng sing yiemz laeuxsae dajduenh. Gou muengz ndwn hwnjdaeu, cij siengj daengz ndanggaeuq lij hwnjgoq.

“Veh ndaej gig ndei, hoeng aeu nyinhcaen dingq goq. Fuk veh neix deng lauxsae muedsou lo!”

Gou lienzlienx ngaekgyaeuj, sim ndaemq-ndaeq naengh roengzdaeuj. Ngoenzneix gij seizgan lij lw haenx, gou youh ienqhoij mbouj



souj gijliz goqdangz, youh niemh fuk veh lijcaengz veh baenz haenx.

Mbouj liuh daengz, mwh cuengqhag, lauxsae gingqyienz doiq fuk veh haenx dauq hawj gou, lij anbaiz cozyez heuh dauq ranz le veh fuk “veh ha sei” ndeu hawj daihgaya ne!

(Dai Yuziy sij / Lij Yanghlenz hoiz)